

明季北略

明季北畧卷之十四

錫山計六奇用賓編輯

崇禎十一年戊寅

元帝降詔

正局翰林及都察院接出聖上平臺詔百官起大數
問天下事仙降云九九氣運還涇水河邊渭水河邊
投秦人楚淵幽燕兵過數番寇過數番掠奪公卿入
長安軍苦何堪民苦何堪父母妻子相拋閃家家皇
天人人皇天大水灌魏失秦川流寇數載卽息紅頂

又將發烟虎兔之間。千戈亂龍蛇之際。是荒年聖上
又問元帝書云。等閑不問。漢朝將相在眼前。

張任學改總兵

戊寅二月。河南巡按張任學。改都督僉事。總兵官鎮
守河南。先是任學覲得巡撫。且欲薦丹陽知縣張放。
因極詆諸鎮兵不足恃。盈稱文吏有奇才。可禦寇。及
承茲命。意大沮悔。請被逮。

城蘆溝

二月。城蘆溝。名拱極城。太監督役。掠途人受工民力。

爲德城既成向北京一門題額曰順治門向保定一門題額曰永昌門數之前定如此異矣

去京四十里西南有蘆溝河本桑乾河也俗又呼渾河有橋跨蘆溝河上爲蘆溝橋金明昌初建蘆溝曉月爲京師八景之一所城卽此至于掠途人受工民力竭矣况是歲十月高起潛兵敗于蘆溝橋苟無其人雖有堅城亦安足恃哉

黃道周經筵應對

三月上御經筵畢召諸臣問保舉考選孰爲得人少

屠黃道周對樹人如樹木。須養之數十年。近來人才
遠不及古。况摧殘之後。必深加倍養。又曰。立朝之才。
存乎心術。治邊之才。存乎形勢。先年督撫未按形勢。
隨賊奔走。事既不效。輒謂兵餉不足。其實新舊餉約
千二百萬。可養四十萬之師。今甯錦三協師僅十六
萬。似不煩別求勦寇之用也。庶子黃景昉請宥鄭三
俊。上曰。三俊蒙狗。雖清何濟。會南京應天府丞徐石
麒亦上言。鄭三俊情節上因釋之。三俊爲司寇。散衣
一筐。幾烟不給。以擬獄輕得罪。上亦素知之。故得放。

歸

會就義兵食對

戊寅三月上御左順門召考選諸臣問兵食計。曾就義對曰。百姓之困。皆由吏之不廉。使守令俱廉。卽稍從加派。以濟軍興。未爲不可。上拔第一。未幾卽有剿餉練餉之加。

道周謂餉不煩別求。就義則云。加派濟軍。君子小人義利之分如此。然就義一言投契。卽拔第一。居廟好尙可知矣。

楊嗣昌論災惑

戊寅四月己酉丑刻。彗去月僅七八寸。迨至尾初。度漸入心宿。兵部尙書楊嗣昌上言。古今變異。月食五星。史不絕書。然亦觀其時。昔漢元帝建武二十三年。月食火星。明年呼韓單于款五原塞。明帝永平二年。日食火星。皇后馬氏德貴後宮。明帝圖畫功臣于壁。唐憲宗元和七年。月食熒惑。其年田興以魏博來降。宋太祖太平興國三年。月掩熒惑。明年興師滅北漢。遂征契丹。近年兵敗。今者月食火星。猶幸在尾。

內則陰官外則陰國。皇上脩德召和。必有災而不言者。給事中何楷糾之。言古人謂月變脩刑。又言禮虧則罰見。災或誠欲脩刑。莫如右禮。誠欲右禮。莫若脩刑。楊嗣昌縷縷援引。出何典記。其言款塞者。欲借以伸通市之說也。其言元和者。欲借以伸招撫之說也。其言太平興國連年兵敗者。欲借以伸不敢用兵之說也。附會誠取。矯誣實甚。至所述永平皇后等語一篇之中。三致意焉。臣更不知其所指斥矣。嗣昌復疏自理。但言科臣以危機中臣。不復及通市招撫事。戶

部主事李鳳鳴亦言火星逆行常而非變給事中解
學尹糾其詭然實考嗣昌所引年月俱謬。

按紀畧四月十六日巳酉夜熒惑去月僅七八寸
至曉逆行尾八度掩于月至五月初五日丁卯有
熒惑退至尾初度漸入心宿云予少時每夕見月
角一星煇而赤相距五寸許竊疑何若是之近越
三日仰觀如故或語予云此星在月上大不佳當
主天下亂予心誌之。

何楷劾嗣昌忘親

六月以楊嗣昌入閣辦事。仍署兵部。七月嗣昌母服纔五月。有旨嗣昌大祀大慶。暫傳制頒詔諸大典。不與朝講。召見如常服。隨班給事中何楷劾嗣昌忘親上切責之。先是吏部會推閣員止。及詞臣資序上不允命。并及在籍守制者。蓋嗣昌爲陳新甲地也。已而特召新甲爲兵部右侍郎總督宣大。黃道周上言朝廷卽乏人。豈無一定策效謀者。而必破非常之格。以奉不祥之人。上不懌。

黃道周平臺抗辯

七月召羣臣于平臺上問黃道周曰無所爲而爲之
謂天理有所爲而爲之謂人欲爾前疏適當枚卜不
用之時果無所爲乎道周對曰天人止是議利臣心
爲國家不爲功名自信其無所爲上曰前月推陳新
甲何不言對曰時御史林蘭友給事何楷皆有疏二
人臣同鄉恐怖嫌疑耳上曰今遂無嫌乎道周對曰
天下綱常邊疆大計失今不言後將無及非私也上
曰情雖美德不可傲物遂非惟伯夷爲聖之情若小
廉曲謹是廉非清也道周曰伯夷忠孝故孔子許其

仁上怒其強說。道周又極誣楊明昌。嗣昌奏曰。臣不
生于空桑。豈遂不知父母。臣嘗再疏而明旨迫切。道
周學行。臣實企仰之。今謂不如鄭。鄭臣始歎息絕望。
鄭杖母行。同梟獍。道周又不如鄭。何言細常也。道周
曰。臣言文章不如鄭。鄭上責其朋比。道周曰。衆惡必
察。何敢爲此。上曰。孔子誅少正卯。當時亦稱聞人。惟
行僻而堅。言僞而辯。不免孔子之誅。道周曰。少正卯
欺世盜名。臣無此心。臣今日不盡言。則臣負陛下。陛
下今日殺臣。則陛下負臣。上曰。爾讀書有年。祇成佞

耳叱去道周叩頭起復奏曰忠佞二字臣不敢不辨
夫臣在君父之前獨立敢言爲佞豈在君父之前
諂而諛者爲忠乎忠佞不分則邪正混淆何以政治
上怒甚嗣昌乞優容之上曰朕亦優容多矣諸臣退
上召回諭以毋黨同伐異宜其脩職業翰林院脩撰
劉同升編脩趙士春給事中何楷御史林蘭友各疏
救道周劾楊嗣昌俱請調有差

張縉彥論兵情賊勢

戊寅三月戶部主事張縉彥上言臣任清澗知縣于

兵。請。賊。勢。親。見。有。素。蓋。賊。之。得。勢。在。流。而。賊。之。失。勢。
在。止。賊。之。長。技。在。分。而。賊。之。窮。技。在。合。賊。之。乘。時。在。
秋。夏。而。賊。之。失。時。在。冬。春。昔。大。賊。王。嘉。允。破。河。西。據。
其。城。曹。文。詔。奪。門。斫。殺。而。嘉。允。殲。李。老。柴。破。中。都。據。
其。城。巡。撫。練。國。事。督。兵。攻。圍。而。老。柴。擒。神。一。元。破。甯。
塞。據。其。城。左。光。先。等。與。戰。而。一。元。死。譚。雄。破。安。塞。據。
其。城。王。承。恩。等。攻。圍。而。譚。雄。誅。此。皆。守。而。不。去。之。賊。
故。速。其。死。也。過。天。星。老。回。混。十。萬。等。所。破。城。邑。無。
幾。官。軍。未。至。旋。卽。奔。逸。此。皆。流。而。不。居。之。賊。故。緩。死。

也。賊入晉豫分頭成部。自秦及汝雒以至江北無處不被賊。豈賊真有數十百萬。蓋分股以。其黨牽制我兵。故見多也。前總督陳奇瑜驅天下之賊盡入漢中。出棧道關。正可一鼓而滅。乃以招安致敗。不可復收。古人以八日而平賊數萬者。利其合也。夏秋之同芻糧盡在場圃。足供士馬之資。冬春非破城攻堡不能得食。官兵促之則光易。故時有利有不利也。今欲破賊。惟在亂其所長而使之短。破其所得而使之失。直截以攻之。分爲兩軍。一追一駐。賊當之必破矣。賊

雖衆大都觀望其先倡者不過一二支故盡一股則論賞不必事平彙叙縱一股卽論罰不許報級塞責誠如此賊不望風而靡未之有也上是之。

抵掌而談情勢不減伏波聚米圖賊在目矣雖未路敗名而其言不可廢也。十九日下午筆

陝賊剿降略盡

五月奪總督洪承疇尙書爵仍以侍郎總督左光先曹應蛟並奪五級限五月盡賊至八月承疇報陝西賊勦降略盡命出關向河南湖廣。

限五月盡賊而八月卽盡何其速也。維時賊分流
半天下。曷嘗勦降盡之乎。不過走犯他方耳。上以
速期而下卽以速應。大抵然矣。六月二十日筆

豫楚屢捷

戊寅正月。巡撫常道立奏賊犯鄧州。焚燬周王八塋。
總理熊文燦報賊犯英山。合九路之兵會勦。賊從德
黃一路潛遁。楚撫俞應桂遽聞。豫撫常道立招撫聞
場天等。聞場天本名劉國龍。性頗孝。就撫乃奉其母
命也。晉撫宋賢奏。混江萬等賊乘虛窺渡。攻剋五塔。

拉等寨攻圍陝州等處。官兵禦卻之。賊拔營遠遁。二
月。官兵三戰三捷。敗賊于鎮平縣。生擒草上飛。獨腳
虎等。斬扒天虎等四人。賊渡河間。光山等處。結連曹
操及托天王。整世王。混世王。十天王。紫微星。過天星。
飛虎八家大賊。乘商城固始界。欲上潁霍等處。爲度
屠計。太監盧九德分布官兵迎擊。大敗賊于山石橋。
擒賊抵地虎。黑旋風等。三月。巡道張天經又敗賊于
黃陂店。斬獲無算。招降賊首飛天師等。五月。總兵左
光先又三敗賊于大寨地方。六月。陳永福又大敗之。

工備良鎮。同是官兵。又敗之于宜陽。連庄。雍家庄。林家庄等處。左良玉又大敗之于高城。混十萬帶傷遁。妻子囚執入省。混十萬本名侯世範。亦旋降。九月內。臣盧九德扼之于襄。撫臣常道立擊之于鄧。監軍張大經總兵劉澤清左良玉張任學擊之于襄。承隨。來汝許。十月。張任學又敗之于高庄。賊南北無路。轉戰敗逃。凡曹操革裡。眼托夫。主過天星等賊。在豫在楚者。無不分頭風竄。

王勳隨州自經

王。肅。南。直。崑。山。人。萬。歷。戊。午。舉。人。崇。禎。時。爲。湖。廣。德。安。府。隨。州。知。州。戊。寅。二。月。賊。首。張。獻。忠。合。衆。數。十。萬。圍。城。肅。親。冒。矢。石。斬。獲。千。級。城。守。益。堅。賊。有。隨。州。紙。城。變。作。鐵。城。之。號。移。營。遁。去。撫。按。交。上。其。功。爲。守。禦。第一。後。賊。挾。恨。復。以。數。十。萬。至。關。廟。守。將。王。必。用。先。挾。家。丁。遁。城。遂。陷。肅。身。被。數。創。猶。率。家。人。巷。戰。勢。不。可。支。始。向。北。再。拜。自。經。死。時。朝。廷。旌。肅。以。一。死。塞。責。故。無。卹。與。宏。光。時。始。諡。忠。愍。又。與。蔡。忠。襄。愍。德。立。祠。其。鄉。賜。名。雙。忠。蔡。亦。崑。山。人。

張獻忠請降

戊寅正月。左良玉陳洪範大破賊于鄖西。張獻忠等請降。初。獻忠自良涿噪而爲陳洪範捕獲。異其貌而釋之。至是。懷舊恩。乞降于洪範。請率所部殺賊自効。總理熊文燦承制撫之。獻忠狡而多計。羣賊每以爲的文燦。議餉二萬人。獻忠乞餉十萬人。文燦遲延不給。與獻忠寄家口于穀城。入據守之分屯羣賊于四郊。

羅汝才乞撫

東閣大學士時二月十二日也。黃龍岡曰：王在晉代。熊廷弼經畧遼東，請築重關于山海關之八里舖，謂外關卽破，內關尙可守，而外關之兵無可逃，爲工二萬餘人爲費百萬，而城樓諸費不與焉。承宗曰：守甯遠者，所以守關門，退處于關，則永平動搖，京師震動，勢必大亂，八里舖去關門未及一舍地，是山海爲孤注也。役遂罷。自請行邊，上御門臨送，賜劍坐蟒旣蒞任，開屯築堡，招徠流移百萬，又練軍得精兵五萬，凡經營四年，開地四百里。魏忠賢與羣小畏忌之，誣左

祖東林五年勒致仕歸。崇禎二年。大清兵入特起
原官辛未。十七疏乞休。賜金幣馳驛歸。以力謝款議。
與樞臣熊明遇。首輔周延儒之議左也。戊寅十一月
十二日。大清兵薄高陽城。承宗率邑紳誓死登陴。
顧土城低脆。外援不至。大清兵晝夜環攻。石盡矢
竭。力不能支。承宗守北門。謂家人曰。我死此矣。汝輩
各自逃生。家人環泣不忍去。城既破。大清兵掖之
去。入城南老營中。用葦席藉地。望闕叩頭。以持纓者
趨縊我。乃絕。年八十。子孫凡十九人。皆力戰從死。事

開元帝震悼薛國觀斬其卹與弗肯與久之南都追贈太傅謚文忠承宗鐵面刻眉鬚髯戟張聲如鼓鐘殷動牆壁年二十餘爲舉子游塞下知要害凡史官在禁近者皆俯躬低聲涵養相體謂之女兒官承宗獨不然講筵獻替務爲激切剴直所著文集一百卷及弔二十五忠詩行世。

盧象昇戰死

戊寅象昇丁外艱會北兵入麻衣草履奉詔督師陞見上叩方罍奏曰臣意主戰上變色久乃憚曰朝廷

原未言撫所謂撫乃外延之議。象昇曰：敵之所思者，宜訪逼陸寢以震人心。一可慮趨神京以撼根本。二可慮分出畿南，剽發旁郡，扼我糧道。三可慮厚集我兵備之，則寡發而多失。分兵以四應，則散出而無功。兵少則不備，食少則生亂，此禦之難也。土壯之命，出與楊嗣昌議。象昇一手戰嗣昌，泊沮斷敵不能語。徒飛勿浪戰。象昇起別還昌平，令謂大帥各運動。約于十月十五日夜分四路十面襲劫敵營，刀必見血，人必帶傷。馬必喘汗。逆者斬，觀軍使遺書泥之。謂聞。

雪夜下蔡州。未聞以月夜上奇師。尤宜用寡種種阻。
撓象昇疏。請分兵。嗣昌撥宣雲晉三鎮屬之。號稱二
萬。以短兵氣。象昇刻期戰。誓師鞏華。淋漓慷慨。涕泣
如雨。嗣昌不能平思阻之。擬票令赴通。就總監高起
潛。象昇不赴。嗣昌遂疏云。敵南下。督應趨通。就監敵。
未下。監應趨京。就督。象昇歎曰。樞部不過欲總監撓
我師期耳。恚甚。會嗣昌赴軍中。厲聲責數。沮師養患。
罪謂公等堅意言撫。獨不聞城下之盟。春秋耻之乎。
且某叨劍印。長安口舌如風。倘唯唯從議。袁崇煥之

嗣立至縱不畏禍甯不念衰衣引綿之身既不能移
孝作忠奮身報國將忠孝胥失盡喪本來何顏面立
人世乎嗣昌色戰奮言曰公直以尙方劍加吾頸耶
象昇曰尙方劍須從已頸下過如不礙敵未易加人
若舍戰言撫養禍辱身非某所能知也嗣昌遁言從
夾無撫議象昇曰周元忠赴北講撫經數日往來始
事于薊門督監受戒于樞部京營通國其聞將復誰
諱周元忠者賈卜雙瞽人也與遼人熟識故遣之
大兵云此事重大何無專官遣廢疾來直玩侮耳欲

斬元忠乞哀乃止。當是時，象昇加尙書級，兵氣盛。旬日間克復州邑甚衆。嗣昌忌功，輒從中止。編修楊廷麟奏曰：「南仲在內，李綱無功，潛善秉成，宗澤隕恨。國有若臣，非封疆福疏上，謫軍前贊畫。」象昇謂廷麟曰：「敵勢甚廣，兵趨之不走，陵卽走京。我京兵寡，食乏，不戰敵益輕我。戰卽生他端。」公爲我往真定，與撫按乞糧。我且悉兵乘死以報國矣。遂統騎五千上下千里，三軍乏食，空腹而馳。象昇哀懇疾呼，莫之救。晨出帳，四面拜曰：「吾與爾將士共受朝廷恩，患不得死，勿患。」

不得生。衆皆泣不忍仰視。于是拔塞起兼程至賈庄。
屯營。率五千人出擊。射一騎。大兵合圍進呼。軍疾
馳奔衝入。大兵退。象昇諭將士曰。今雖勝。彼必憤
集諸騎乘吾爾。毋怠。越明日。大兵率衆衝營。象昇
顧左右曰。誰爲我取彼者。總兵虎大威馳卒摧之。不
勝。且卻。象昇大呼曰。虎將軍。今吾輩效命秋。無自愛。
乃招後騎皆往。象昇奮力入。擊殺十餘人。身中二矢。
二刃呼不已。日關羽斷頭。馬援裹革在此時矣。馬顯
陣亡時。戊寅十二月十二日。從死爲僕。顯顯掌牧場。

陸凱至四年請贈戶部尚書諡忠烈予祭葬賜諡風
禮有加云一云象昇與嗣昌不合援斷糧絕軍士飲
水七日而無叛志困甚象昇服小軍衣尙書印補肘
後被流矢死與洪承疇立廟北京四時致祭

象昇所以死有六一與嗣昌相左二與起潛不協
三以弱當強四以寡擊衆五無餉六無援然後五
者皆嗣昌奸謀所致雖然殺象昇之身于一時者
嗣昌也成象昇之名于千載者亦嗣昌也君子正
不必爲小人咎矣

宜興陳生語予曰。象昇父雅與一地師友。爲擇地于山。四圍皆石。惟中獨土。名曰石山土穴。乃置士下。有一石筍。其鋒如劍。堅不可去。地師命置柩于上。且曰。後世當出顯官而忠者。盧父曰。子爲此臣。亦何不可。遂葬之。出象昇象觀等兄弟。然則地師亦非常人也哉。六月二十一日筆

劉廷訓吳橋死難

劉廷訓字式伯。順天通州人。以歲貢生選河間之吳橋訓導。戊寅十月。大兵入。與令堅守。三月初。以偏

師來輒引去。旣盡銳力攻，令隨城遁去。廷訓人學舍
摩其妻趨去。我將止死，屬其稚孫名增者，于所善僧
隆貴介而趨南城。誓守者曰：守死逃亦死，曷若守死。
爲滿城忠義鬼乎。守者哭曰：願爲公死守。三日夜，城
三隅繞亂，獨城南晏然。大兵肉薄而登，如牆引射。
矢注衣甲，血朱殷穴。胸而出，捕縶屬于屢，猶束胸拒
戰。連中六矢，乃仆踰月。其子發棺更殮，而加生鬚髮。
奕奕奮舉喪之歸也。諸生數百道哭。小民皆剪紙買
漿以奠。時年六十有五。

鄧藩錫不屈

鄧藩錫字晉伯。號雲中。南直金壇人。初生時。父和臺夢取鵝人昇一孩。曰。是子超超。藩輔之苗。西山其類。東山其高。因名藩錫。年十七。讀巡遠傳。流涕終日。天啓辛酉。登賢書。崇禎甲戌。進士當知兗州時。但携一稚子一妾以行。抵郡。纔四十餘日。大兵數萬已集于城下。乃請魯王曰。臣聞城之不守。皆山城內貴家自惜金錢。自愛安樂。而令寡人傭子登陴擊柝。遂多敗事。王能出金以犒死士。城猶可存。命猶可保。不然。

大事一出。玉石皆燼矣。王不聽。潘錫自出金勞介士。
夜縋城下。發一大砲。擊殺數千人。大兵力攻南門。
總兵某內應。城遂破。被縛大帥。加刃其頸曰。不降臨
矣。潘錫大罵不屈。大帥怒。脇令拜。潘錫故翹其足。乃
先斷其一足。而支解而灼之。其妾携一子。自投于井。
事聞。贈太僕寺卿。

孫士美深州自刎

孫士美號澹如。南直清浦人。幼奇穎絕倫。讀書目十
行下。每屈指古人。至唐張中丞。宋李侍郎等。歎美不

置父訥亦勗之曰。凡爲烈士當如是矣。天啟辛酉鄉薦。累上公車。報罷。士美憤然曰。烈丈夫豈以一第榮哉。苟或膺半秩。報君親。差不負平日自命。古人意足矣。當世士大夫。豈乏取高第。登要津。而碌碌以終不自表見。等于尋常無聞之人者哉。卒以孝廉謁選。乘鐸舒城。自論文課士外。絕無干牘私。舒固彈丸。邑然江淮孔道。亦南北一要衝也。甲戌正月。賊渡河而南。江北大震。久之賊焚正陽。去舒二百餘里。未幾因六安去舒僅百餘里。又未幾賊且薄城下。時邑令謁。

惟在道士民洶洶城無固志。士美親冒矢石督戰。自開變以至賊退。凡七十餘日。大廬屬八邑肥六。俱有高城深溝。屯糧衛卒。獨舒斗大孤城。懸處四衝之地。兵餉兩絕。然卒以獲全。不至爲慮。集續者。士美之力也。丙子以前。績耀知深州。戊寅十一月。滹沱水合。大兵三萬薄城。而營十三日夜率死。士段容嗣等翼之斬其帥。十四日來攻益急。十五日卯刻。昇雲車數十緣城東南。攀堞直上。又督將士格殺無算。勢稍卻。忽用矢以火射城樓。烈焰騰。守者迷眩。不知所

爲因乘勢力攻城遂陷上美向北再拜自刎于城之
縣黃亭時父訓在署年七十餘聞之歎曰吾最喜以
忠孝勉吾子忠孝本無二致死忠卽是死孝況
拜官然以子爵封亦臣也不死何以謝君并
以謝
吾子頃之亦遇害一家死者十有五人事聞贈大僕
寺卿

宋學朱濟南板園

宋學朱字川晦號旭初南直長洲人崇禎庚午舉鄉
薦辛未成進士初授南工部主事曾有鑄錢差之事

更爲政弊若搏沙一洗滌之每日批紙易處腹易
臍也戊寅巡按山東疏彈楊嗣昌唐世濟等八月出
都十一月巡歷章邱會報大兵入省遂星夜冒關
馳入濟南未至大兵已過德州而省城標兵三千
先隨巡撫遶駐北直城中止留老弱鄉兵五百及募
兵七百而已學朱至親率司道登城捍禦時以奇兵
出擊重圍稍解相守六旬不解帶不交睫頭髮盡白
上求援七疏時楊嗣昌爲樞輔留中不報高起潛撥
精騎翔翔隣境不發一援大兵數十萬蒞城城外

西北隅憑水爲臺。固易守。獨東南一望平沃。與房
使周之訓親守南門。身犯矢石。大兵不得土。每腹
酒城頭。夜分握手語。欬欬達旦。已卯正月初二早
大兵攻西北城甚急。雲梯擁上。學朱卒躍馬循城
而西。衝鋒救援。刃中于而被執。不屈。乃縣城樓之竿
殺之。須臾縱火焚樓尸。遂燼之。訓亦死之。撫按請卹
嗣昌。卹怨不許。宏光初。贈大理寺卿。予三長德宸次
德宜。又次德宏。德宜順治乙未進士。編脩德宏。辛卯
舉人。

或云七弟歲學未嘗歸族人從見之夜郎
去爲僧實未死也。六月廿二筆

鄧謙砥死

鄧謙字少于湖廣德安府孝感縣人。幼慕于忠肅公
爲人每讀其集至一腔熱血不知竟灑何地等語。輒
斫凡狂叫。因自號以見志。崇禎戊辰成進士。戊寅爲
山東布政使。是冬濟南再困。援枹登陴。踰立十晝夜。矢
盡石窮。俄而登兵千餘人援者爲內應。忽大風驟晦
城陷。誘手架大礮執勁弓。斬射多人。旣力不支。被執。

磔死。母黃氏匿民間。亦不食死。兩子俱擄爲擒。去歲
年仲子自北逃歸。甫十歲。輿視旋里。事聞。贈中憲。六
夫謚忠毅。督學高世泰。檄人鄉賢祠。時有劉化光。潛
南歷城縣人。與子漢儀俱孝廉。破家守城。率鄉兵巷
戰。格殺無數。尋以大隊環攻。箭如飛蝗。化光弗卻。及
城破。化光頭砍三刀。腰中二鎗。背中數箭。漢儀亦頭
砍三刀。身中七箭。死之。同時又有李應薦。東昌府恩
縣人。進士。授御史。以欽禁削職歸。捐資募勇。登陴守
禦。比城陷。應薦身中一鎗。猶率家丁格鬥。及被執。厲

厚大屬斬二刀斷一指而死。

蘇州井中鐵匣

崇禎十一年戊寅蘇州承天寺井中屢有白氣冲上。使人入井淘之。得一鐵匣。封緘甚固。發視。內藏心史一部。自宋端宗起迄元成宗止。皆言宋政寬厚。及元人殺戮等事。乃宋末鄭思肖所作。思肖字所南。是時端宗景炎止三年。帝昀祥興僅二年。餘卽元世祖至元三十五年。成宗元貞十三年耳。所南史內所載數十年事。俱書景炎幾年。不用至元元貞等號。所南名

思肖者思趙也。自矢今生不能復趙。願來世與趙云。
云時蘇州巡撫張國維見而異之。梓行于世。然則心
史作于三百年前。而出于三百年後。天蓋隱示以明
之將復爲宋也歟。

元世祖在位三十五年。實奉正統十六年。則心史
約三十餘年。事此書一時盛行。須再覈其起止。

錢肅樂和心史詩 從胡柏放論

錢肅樂字希聲。浙之鄞縣人。崇禎丁丑進士。詩有西
山採蕨歌。酒壯東魯悲麟筆。幾枯之句。

士君子不可一日遺心史之事。不可一日不存心史之心。此心之失。則人而禽矣。白日而昏夜矣。文乎召妖。口舌戰血矣。金鏐而石穿矣。此心之存。則人而天矣。一日而千古矣。詩文而史矣。亦經矣。亦圖錄矣。習井爲名山之藏。石匣有甲子之護矣。心之重于人也如是。今聖天子在上。政教翔洽。士大夫皆崇尙節義。歲以戊寅而鄭所南心史見于承天寺井中。撫公張大人拜以行世。海內見先生之史者。無不知先生之心矣。然此心非獨先生有也。

余以暇日偶覽斯編成詩一律。豈敢附吟咏之末。
亦以性情所鍾不能自絕世有觀者得位置將整
于行道乞人之列足矣

蝗

八月十六日。吾錫飛蝗蔽天。自西北來往東南去。凡
六日至二十一日止。十月廿六日打搶王中。家
中罄盡。

明季北畧卷之十五

錫山計六奇用賓編輯

崇禎十一年己卯

內臣

正月叙緝奸功。東廠太監王之心。曹化淳。磨錦衣衛百戶。七月以司禮監太監張榮提督九門。戒午門端門諸內臣。延接朝士。

屢蔭子弟。頻用提督。內臣聲勢亦赫奕矣。雖戒勿接朝士。其能禁乎。

王承恩哭夢

王屢夢神人書一有字于其掌中覺而異之宜問朝臣衆皆稱賀謂賊平之兆獨內臣王承恩大哭羣臣愕然上亦驚問承恩曰皇上赦奴婢不死始敢言上曰汝無罪直言無隱承恩奏曰以奴婢推之神人顯告我皇大明江山將失過半上詰之承恩叩首曰蓋有字上半截是大字少一捺下半截是明字少一曰合而觀之大不成大明不成明殆大明缺陷之意神人示以賊寇可虞之幾矣願皇上熟思之上不懌或

云朝臣徐某推夢吉凶亦與承恩之說同

鄭二陽兵餉之對

三月召叅議鄭二陽于平臺問練兵措餉之計對曰
大抵額設之兵原有額餉但求實練則兵不虛冒餉
目足用是覈兵卽足餉也若兵不實練雖措餉何益
王問措餉對曰諸臣條例盡之矣在得人得人則利
歸公家否則在私室又曰臣見州縣多破殘宜下寬
大之詔收拾人心上稱善擢僉都御史
五月出帑金三十萬濟餉仍命後償之又山西按

察副使魏士章請遣京官搜括天下錢糧充餉從之。六月禮部尙書林欲楫請覈僧道贍地毀姓祠括絕田充餉。初戊寅十一月括廢銅鑄錢至是已卯十一月前庶吉士張居請行銅鈔從之。

建設齋醮

已卯四月諭釋輕繫時上頗于內庭建設齋醮給事中張埰上言宗社之安危必非佛氏之禍福正德初年遣太監驅馳西域可爲鑒戒不聽。

京城浚濠

四月京城浚濠廣五丈深三丈給事中夏尙組上言連年塞垣失守門庭無恙若使塹水足拒則去年通德滄濟其爲廣川巨浸何限而揚鞭飛渡如入無人則控扼險要在人不在險明矣今擲此百萬于水濱孰若用之于嚴疆使敵騎不得躡入哉不聽

吳昌時恨薛國觀

六月考選科道左懋第等給事中詹時雨等試御史吳昌時等并各部主事昌時首擬吏部䟽上上自手定先後示以不測昌時得禮部主事謂薛國觀所爲

恨之

磔鄭鄭

鄭鄭常州橫林人。鄭繼母大學士吳宗達女弟也。鄭薄于宗達。宗達因揭其杖母蒸妾溫體仁入告。遂逮鄭下獄。此崇禎八年十一月事。至是己卯八月。磔鄭鄭于市。先是宗達揭後。中書舍人許曦奏鄭不孝。瀆倫。又與體仁疏合。因詔獄刑部。尙書馮英會問。奏稱據原忝謂鄭鄭假箕仙幻術。蠱惑伊父鄭振先。無端披剝。又假箕仙批詞。迫其父以杖母。亦未嘗直指鄭

杖母也。又稱鄆有才名。語近回護。上怒責其徇私。着吏部議處。法司再定鄆罪。擬辟。上命加等。故磔于市。鄆初選庶吉士。有直諫聲。文震孟。黃道周皆與之遊。體仁欲借鄆以傾震孟。道周讞駁逾重。而鄆居鄉多不法。遂罹此禍。

聞鄆家居時來往者。莫不重其名。一日宗達子說入泮事。爲鄆奪去。宗達謂輕已憾之。或云黃道周雅重鄆。攜夫人過。嘗宿其家。見鄆妻惟布衣。內室惟列紡織具。佯作道學狀。又事母極恭。夫人告道

周道周益賢之而竟不悟其僞也

鄭鄭本末

天下事起于微渺而情涉婦人者其禍發也最大而烈。如鄭峯陽之敗名。變身是也。峯陽爲進士鄭振先之子。進士鄭某之侄。大宗伯孫其煥之壻。大學士吳區聞之甥。年十八而舉于鄉。二十八而成進士。選庶常。揭大璫。一時聲譽峻峭而禍遠。乃峯陽幼時心非母氏之妬及其長也。見母氏之虐于婢。尤虐于垂髫之婢。益甚非之。甚至不欲見。且聞棄家離母。躡足深

山者三年時有巫嫗者能降神爲來生禍福挽休咎
婦女翕然信之不啻大士之敬閻羅之畏也。峯陽欲
挽母氏之殘虐而卽于寬慈謂非可口舌諍利害陳
也。惟借神道設教因果報應之說庶可以改革之。遂
敬延其嫗以與母相見。嫗則設壇升座兩炬燦煌初
憑而俯繼呻而噫忽張眉突眼雙掌震几作漢語而
呼曰。鄭門吳氏還不速跪。峯陽欲尊其說而聳母氏
之聽也。急先母而跪母以峯陽讀書明理素崛強于
鬼神之說。今且懾服致跪而悔禍之心大萌矣。亦繼

峯陽而跪而嫗于是歷數虐婢之含冤冥訴之多詞
母則不欲其繁指也。嫗則漢語揚聲以實之又嚴察
速報以恐懼之。峯陽急下轉語曰。固知罪矣。今惟求
解罪。嫗固不可。母則百其賴至地。沾其淚滿衿矣。峯
陽則下直語曰。陰司現今作何果報。嫗曰。罰他十幾
世爲苦婢。大限只在百日內。其死婢十幾位。作夫人
以蒞之耳。由是母賴之下。直如搗蒜。聲從淚出。惟命
求解。峯陽則又下轉語曰。果報與現報孰重。嫗曰。現
報十倍之矣。峯陽曰。今求現報以消實愆。可乎。嫗曰。

折筭耳母懇求。嫗曰惡疾耳母懇求。嫗曰減食失目耳母又懇求。峯陽爲之中解曰現前賜杖受責以後不踴前非可乎。嫗曰子係貴人說准允從。爾母過世仍爲一品夫人。諸婢亦超生去。母則喜從天降俯伏請杖。雖百奚辭。嫗曰應杖八十心服改過折半。子貴親榮。饒半痛打二十。以贖前罪而執杖爲峯陽。又出自巫語。于是杖母之說遂成鐵案。時在十八歲四月朔旬事。

至其媳也。爲辛未進士韓鍾勲之女。鍾勲授長沙府

湘陰縣知縣三年中飲冰茹蘗將行取矣忽一日上
府考察小轎出于曲巷前導傘夫衝入刺史節隊刺
史取而笞之二十韓亦不甚介意復回寓所更其從
人再詣廵方之轅門凡州縣之候見者俱蜩集鵠侯
其駭何遲對以前故時辛未榜有八人在中而蘇常
四府又居其六各忿然震怒曰以老類知府而欺吾
將行取之知推非世局也彼決在此候見亟取其吏
書人役各責四十板以懲其冒妄時受責者五人而
板則二百矣知府不能容傳鼓哀稟哭訴辭官後各

陰味道。獨湘陰縣還其揭帖。不得面陳。詣府三日。
乃在調停。而知府以氣厥而死。子竟出執命狀。巡方
不得不白簡從事。韓亦歸而杜門。悶躁之極。夫人忽
發舊疾。數日告殂。原止一子。年已數歲。聰慧異常。亦
于斯時痘殤。韓則困守內衙。悲鬱數日。亦死。或云一
月前斫截一林極大老樹。樹根流血。身便不快。此又
事之有據者。其女向允塋陽之子之聘。今自湘陰歸。
雖無父母兄弟之可依。尙有乃祖之可恃也。自應聽
其祖翁鞠育。乃塋陽則以湘陰之歸帑。爲子舍之裝。

舊年向未笄。托言童養。掃室以居之。從來隨嫁之婢。
女自應年卑于主。然亦必選擇勤慎如嫗于禮。訥于
口者。方得相宜。遣侍。今則閨門從入。稂莠無分矣。遠
歸從嫁。奸貞莫辨矣。船載捆携多寡咸入矣。李下之
嫌。固當凜如秋肅。童養之言。亦不宜親形。口角使新
臺有因。然則韓女之自經。踵父母兄弟之劫運。峯陽
之被讒。緣婢妾奶婦之難處也。若必求其事以實之。
則鑿矣。

至姦妹一事。峯陽不幸有此妹。又不幸而此妹復適。

于錢氏之子婦人無行何所不有人之好談無幸之婦人何所不加此歐陽永叔因一詞而訾其失行也。若爲崧陽白此議也其惟質之神明而可。

崧陽諱鄔常州橫林人。王庠科文震孟榜進士。文甫就職土聖學疏會留中。鄭又論之。謂留中不發必有伏戎。援奧之奸。時魏孳初萌。遂降級調外。各閒居就。且後先帝登極俱還職。文已大拜。鄭猶里居。計後登極在廷在野歲月均也。稜角不無太露。而兩院之重其關說以千百計者。必歸之方面。有司黜涉憑其一。

嘗覆命計典時必先爲請正而後送閱其本稿又諸
生科歲儒童泮取督學之所嚴重其關節者片紙靈
手勅語矣名高厚實兩踞其巔天且忌之矣又以伊
舅孫淇老屢徵不起需之偕行七年七月淇老以大
宗伯召擬出山由水程進奎陽則從阻而赴闕忌孫
者因而忌鄭以孤孫之黨竟繫獄時大金吾吳孟明
引二子庚臣世臣卽于禁獄授教先課一藝擊節讀
黃決其登第孟明極其奉之供膳服御精腴逾至尊
在奎陽一人入口之費日必罄六金奉之者發其杖

母也竟無訊獄之期淹至三年京師夏旱諭各衙門
陳弊政宜寬抑吳孟明奏曰臣衙門冤抑自有法司
平允非所敢與聞但有幽禁三年無人爲之雪理如
鄭鄭者或當釋放以召天和者也疏入則蒙極嚴之
旨謂杖母逆倫干憲非輕如果無辜何無人爲之申
理着常州府人在京者從公回話時臺中三人劉光
斗劉呈瑞王章正在憂虞而光斗內艱之信至適有
武進落魄生員許職與管紹甯同入泮無聊至京會
際考武英殿中書管因取許每月支俸米一石一無

事事猶未題授實職。非官而似官之流也。主計者代
爲草疏。實其杖母。再指姦媳姦妹以佐之。其疏先一
日奏進。于劉則曰。臣本世家。于父母課讀。寸晷爲惜。
自六歲從師。至二十歲。聯捷從未敢一刻擅出書館。
鄭鄖之事。窓外無聞也。主則曰。臣本農家子。離城百
里。鄭鄖之事。係宦室閨門。草野耳目。實未聞見。兩疏
後一日。封上。預屬政府。于許疏。法司嚴訊。劉王則曰。
已有了旨也。初審覆疏。以事屬影響。旨出。謗忌革職。
太輕。遣戍太重。惟候聖裁。旨以刑杖未加。不得實情。

指款繼則嚴苛索詳因破情面衡律例逆倫罪款法
無輕貸矣。旨意尙以親屬未經面質議擬猶然踈縱。
獄案未定。洊奪降罰。且次第于西曹。至十一年八月
初六日。凡案中之男婦老幼聽勘于公庭。韓媳之祖
以望八之年。匍匐嚴刑之側。詢其姦媳。但云一憑法
堂明斷。餘皆不敢出誣枉二字大辟竟成矣。韓翁甫
出殯絕與尸矣。至二十六日黎明。轡割之旨乃下。外
擬原不至是。許曦是早來促同往西市。俗所云甘石
橋下四牌樓是也。時尙無一人止有地方夫據地搭

廠與監一有了之木在東牌坊下。曹規殺在西而副
在東也。廠則坐總憲司寇秋卿之類。少停行刑之役。
俱提一小筐。筐內俱藏貯鐵鈎與利刃。時出其刀與
鈎。類以砂石磨礪之。辰巳二刻。人集如山。屋皆人覆。
聲亦嘈雜殊甚。崇陽停于南牌樓下。坐筐籃中。科頭
跣足。對一童子。囑付家事。絮絮不已。傍人云。西城察
院未到。尙緩片刻。少頃。從人叢中昇之而入。遙望木
了。尙聞其這是何說者。連詞于極鼎沸中。忽聞宣讀
聖旨。結句聲高。照律應罰三千六百刀。劊子百人羣。

而和之如雷震然人盡股慄也砲聲響後人皆跋足
引領頓高尺許擁擠之極亦原無所見下刀之始不
知若何但見有了之木指大之繩勒其中一人高踞
其後伸手垂下取肝腑二事置之巔衆不勝駭懼
忽又將繩引下而崖陽之頭突然而興時已斬矣則
轉其面而親于木背尙全體聚而割者如蠅須臾小
紅旗向東馳報風飛電走云以刀數報入大內也午
餘事完天亦闇慘之極歸途所見買生肉以爲瘡痂
藥料者遍長安市二十年前之文章氣節功名顯宦

竟與參朮甘皮同奏膚功亦大奇矣

鄭在獄以萬金乞周奎通皇后關說一日上入宮
后曰聞得常州鄭鄭語未畢上卽目視之曰汝在
宮中那裏曉得鄭鄭后懼而止鄭聞將磔執筆書
一大圈于紙上如乾形已而塗黑無些子白其意
謂有天無日蓋怨上也鄭幼時遇一瞽者善揣骨
初云翰林也遞及脛訝曰翰林而骨碎何也後必
有刑鄭體最肥頗似豕形故喜財色鄭以母故慈
父披剃進居浙之某寺鄭以青年從之飲食起居

無不同也。里中少年疑僧之徒爲尼欲執之令開至寺見振先卽下拜衆大駭蓋令乃振先之門生也。

郝敬卒

郝敬字仲輿號楚望湖廣承天府京山縣人父承健以鄉薦爲肅甯令母夢大蛇若龍嚙左脇入腹而妊生敬五歲卽工偶句萬歷戊子舉人已丑成進士令永嘉以治行擢禮科給事中疏論輔臣內官遂謫江陰令致仕歸年四十卅奄卒作輓歌至七十四召形

家擇日卜地盛衣冠髮瓜于櫝荷鍊兆所告后土請
以今年爲死年。今辰爲葬辰。他時勿更擇日。誅茅啟
坎。子婦逮下。徹緣素冠裳。葬櫝而封樹石。自題明給
事中郝敬之墓。旁用石匣函著書三百二十四卷。以
殉。刻生葬文告姻黨。至己卯年八月十二日蚤起。衣
冠。瞋忽不憚命。內外婦沐浴。隱几坐草札。別友人。稱
郝敬頓首絕筆。親朋錯愕。來戶外。屢滿。危坐木榻。拱
手爲別。語止笑。乘鯖車出。至西山。從容下輿。索筆題
堂柱。日升沈難定。但深壑藏舟。人世憑誰有力來去。

自錄如驚風飄瓦。天公于我何心。少頃屬續而絕。
公謫江陰。題聯于庭。云坐上有嘉賓。談笑風流吳。
季札。江干逢逐客。交游意氣楚春申。又咏詩十章。
多感慨不平意。勒于君山。有酒逢歡笑。無天性思。
至哀吟有鬼工之句。邑人誦之。予昔應試澄江。嘗
攜筆登山。摹其六以歸。六月十五筆。

陳繼儒卒

陳繼儒字仲醇。號眉公。南直華亭人。少英異。好讀書。
長于詩歌文辭。頃刻萬言。弱冠補諸生。年二十八。裂

其冠投呈郡長有云。住世出世。喧靜各別。祿養色養。潛見則同。揣摩一世。直如對鏡空花。收拾半生。皆作出山小草。一郡驚其言。當事勉留。卒不聽退。而躬奉菽水。結茅小崑山之陽。修竹白雲。焚香宴坐。豁如也。父歿哀毀。欲死。負土爲壘。弟之子姊之孤。賴之得存。時顧端文高忠顯招繼儒入講社。繼儒曰。願士大夫有此行。不必有此名。所知交徧天下。四方求文者。履日滿戶外。然絕妄漁愧。干請嘗云。王公布衣之交。僅存一綫於天壤。甯使訝其不來。毋使厭其不去。又云。

鄧獨公庭必爲雙鶴所笑。郡守李三式其廬。謂不見
旣。以事去。繼儒送之千里。勞藉如平生歡。而方岳
貢尤神交二十年。一時撫按交章奏薦。請照吳與弼
例。特行聘徵。屢奉俞旨。固辭不就。惟與山水爲緣。每
當春秋佳日。月夕花朝。非操觚龍潭。卽卜築曠野。一
時名姝騷客。輻湊而至。或匿蒹葭蘋藻間。長歌短笛。
鷗鷺驚翔。累日經旬。興盡方止。已卯病卒。得年八十。
有二藏。無餅金。惟留遺編數卷。未歿前。召子孫賓朋。
曰。汝曹逮死而祭我。不若生前醉我一杯酒。于是羣

從雁行洗爵次第而獻如俎豆狀繼儒仰天大嚼叱
日何不爲哭泣之哀左右皆大慟或爲薤歌以佐觴
歌愈悲酒愈進繼儒起而喜舞簪帽以花婆娑佻達
盡醉乃罷將瞑目又暢言無鬼之旨鼓掌大笑而逝
所著有秘笈品外文集幾白卷行世

當啟禎間婦人暨子無不知有眉公者至飲食器
皿悉以眉公名比于東坡學士矣其與董思白交
最厚在前詒中又比沈石田之于王文恪公云先
是王徵君穉登文章翰墨妙天下交游在公卿間

差似眉公而蒲輪不就爲巖穴光眉公加人一等
矣

術士鄭仰田

鄭字仰田惠安人少椎魯不解治生父母賤惡之逃
之嶺南爲寺僧種菜面黥黑補衣百結有老僧長眉
皓髮日光如水呼仰田而指寺僧曰汝等皆不及也
寺僧怒逐仰田旬日無所歸號泣于野外老僧迎謂
曰吾遲子久矣偕入深山中授以拆字歌訣月餘遂
能識字因授以青囊袖中玉遞射覆諸家之術無所

不通曉天啟初將卜相南樂指全字爲占仰田曰全
字从人从王王四畫宮相四人問其姓名曰全字省
三畫爲土當有姓帶土者省四畫爲丁當有姓丁者
省兩畫縱橫爲木當有各屬木者以所省之文全歸
之當有名全者已而拜蕭田貴池元城涿州四相一
如其言晉江李焜與奄黨吳淳夫有郤指吞字以問
仰田曰彼勢能吞汝非小敵也從天从口非其人吳
姓乎曰然然則何如仰田曰吳以口爲頭彼頭已落
地矣汝何憂嗣年而吳伏法魏闕召仰田問數仰田

蓬頭突髻踉蹌而往。長揖就坐。闕指四字以問羣奄。侍列皆愕眙失色。仰田徐應曰。四字國中一人也。奄大喜。仰田出。謂人曰。囚則誠囚也。吾詭詞以逃死耳。之白門。奄勢益熾。俞少卿密扣之。仰田方晝卧屋梁下。上有斷梗下垂。仰田指之曰。如此矣。未幾闔果自經。丙子冬。前知錢謙益有難。自閩來吳。復入燕。爲刺探獄情。緩急時年八十二矣。行及奔馬。兩壯士尾之。不能及。謂謙益曰。七日彼當下位。公獄解矣。然必明年而後出。後一一不爽也。已卯春。謂家人曰。明日有

郡僧叩門乞食，具數人殮以待。吾亦隨往矣。質明沐浴更衣，羣僧至，飯畢入坐，端坐而逝。

左良玉破豫賊

己卯正月廿五日癸未，河南巡撫常道立創籍以縱寇渡河也。以李仙風代之。二月，左良玉大破河南賊飛虎劉國能于許州。國能降。三月，左良玉大破賊于南陽府內鄉縣。上聞其兵姪掠責之。四月初四日辛卯，良玉再破賊于河南之鎮城。廿三日庚戌，賊李萬山千解甲詣內鄉城下降于良玉。

前卷載常道立招撫劉國能出道聞此載良玉二
月破破國能降出史各年月頗異或去年道立招
國能有就撫意至是久爲良玉所破其降始決耳
非一書自相矛盾蓋並誌之一以傳疑一以俟攷
也餘亦倣此六月廿六筆

張獻忠復叛

己卯三月消撫中軍劉良佐有光山之捷安廬巡道
易開遠有舒城三捷賊漸西奔張獻忠曹操因入房
竹山中房縣竹山縣俱屬湖廣鄧陽府初獻忠假官

吳旂襲南陽中。南陽左良玉。綢繆疑而召之。獻寢逸。去良玉。追及兩馬相望。一箭中其眉心。一箭釘其甲。指于弓靶。獻倉皇問良玉。舉刀劈其面。血流被甲。孫可望力前格之。得免。逃至麻城。良玉追勦之一盡。僅行七百里。至襄陽府之穀城縣。戊寅正月初九夜。破之。出示民曰。本營志在匡亂。已逐關兵遠遁。本營釋甲歸朝。乃拘脅老具結。遣可望以碧玉長尺餘者。二方圓徑寸珠二枚。賄熊文燦。請降。文燦許焉。以僉事張大經監其軍。文燦庸鄙無能。駐節襄陽。于後圍種。

蔬日用數十人。涇溉時旱。郡邑申文祈雨。文燦批云。
園蔬茂茂禾苗。何以獨枯。不過奸民爲道糧地耳。其
設施如此。王謀于巡按林銘球。巡道王珩。旗欲誘
執獻文燦。曰。殺降不祥。力庇之。乃移其營于城內。獻
侍文燦益無忌。私練士卒。造軍器穀城諸生徐以顯
一見如故。教以孫吳兵法。又乞職銜。索月餉。且請灑
陳廬靈閣五州縣屯馬步兵六千。已卯春獻忠叛。形
燎著。良玉請討之。文燦故彰其罪。使獻知之。阻留
良玉飲餽。稍延時日。獻從容盡出。兵械入房山。文燦

始催出兵則賊已叛矣。是時文燦招撫十三家賊。終
屯蟻聚中州一帶。旋撫旋叛。巡撫徐一范謂可勸之
機會與能勸之物力都從撫裏錯過。良不諫也。五月
獻忠既叛。殺數城令阮之錫之錫。臨歿。瀝血誓絕命。
詞羅汝才九營並起。應獻忠。獻忠。御史林鳴謙上
書求封于襄陽。鳴球不從。遂殺之。七月張羅二賊。合
于房縣。良丑聞變。日經畧縱虎負隅。使我援之。不法
必以逗遛。解我令旗。至即冒暑進兵。遇伏大敗。而
其存印良丑列其狀上。革文燦職。良丑亦降職。合

獻自贖

錫紳徐調元。戊寅令黃岡。嘗云。獻既就撫。文燦疏。奏留中。不下。獻性如猿猴。不耐久靜。營于城外。將。几案疊起。每日自下而上。循環不已。如教猱升木。無一息停。雖天性好動。亦借此自練。併以練士卒耳。時文燦疏久不報。獻從將十人馳入城。問縣令。阮之鈿曰。廷議云何。阮迎其意曰。將軍不日大拜。且封侯矣。獻乃去。如是者數次。已越月。疏終不下。獻偵所請多不遂。乃密謀叛。復馳入縣。詰阮如前。

阮驚恐無措。獻知其謬。大怒曰。汝誘我耶。顧左右。日。抓他頭來。卽斬首去。遂城。

仕途捷徑。無過賊將相奇謀。只是招宋人之言。若爲文燦寫照。

房景春父子死節

房景春字和滿。南直江都人。萬歷壬子舉人。崇禎辛未。就教鹽城。罷歸。遷黃州。照磨。署篆黃安甫二日。而賊掩至。誓以身與城存亡。戢守八晝夜。賊遁去。戊寅。陞房縣知縣。時熊文燦招九營大寇。交斥鄖屬。而羅

汝才白貴黑雲祥三營分馬入房逼據西關景春知
事不可爲與主簿朱邦問遊擊楊道選內修守具外
定盟書苟安旦夕已卯五月張獻忠突入房蓋獻忠
已破穀城縣令阮之錕死遂乘勝鼓行而西而新捕
三營羣起嚮應城中兵贏餉缺景春血書寸紙遣人
縋城出求救不報獻忠逼讓城景春日吾頭可斷城
不可讓也賊益攻景春發砲殲賊賊以棺覆首四面
環圍守門指揮張玉錫爲內應城陷楊道選巷戰死
景春被執勸降不從命拽出斬之子生員鳴鸞抱父

戶哭罵賊復手刃僕陳宜亦被殺朱邦聞與其家人
俱不屈死事聞贈景春太僕寺卿鳴鸞與陳宜俱附
祀

死忠死孝。日月光昭。景春鳴鸞之節烈矣。五將道
選邦聞甯與合君同日而死。不與叛逆同日而生。
豈非皆不二心之臣哉。

楊嗣昌代熊文燦

初熊文燦與大學士楊嗣昌深相結納。嗣昌欲文燦
成功以結上知。文燦既敗。嗣昌內不自安。請督師南

討上甚慰勞之。八月十七日壬戌，命嗣昌督師討賊。賜前方劍，并督師輔臣銀印，給帑金四萬，賞功牌千五百，蟒紵緋絹各五百。九月初五日丁卯，嗣昌陛辭，上宴于平臺，後殿手觴嗣昌，賚金爵，賜以詩，勅子文廟親賦饒歌二首，贈行。命會兵十萬，給本折色銀二萬。出師之隆，莫盛于此。御史張肯堂請著爲令，有創爲撫說者，議出編氓行伍，以奸細論議，出道將紳衿，以通賊論議，出督府鎮帥，以悞國論䟽入。嗣昌弗善也。嗣昌首倡衆歛一議，加勦餉三百萬，而又加練餉。

七百三十餘萬兩合舊派每年加二千三百萬以致民窮盜起。至是方以滅賊自任。冬十月。嗣昌至襄陽。入熊文燦軍。詔逮文燦入京。論死。棄西市。丙子。拜左良玉平賊將軍。良玉所部多降將。嗣昌謂可倚以辦賊。爲請于上。故有是命。賊初聞嗣昌出。頗心怖。及嗣昌抵任。踵襲文燦招撫故智。謀以郢事委卽撫袁繼咸。楚事委楚撫宋一鶴。一鶴貪懦。功諸以嗣昌父名鶴投揭。自署其名曰一烏。楚人爭傳笑之。嗣昌對守年餘。一鶴莫展。自撤白虎之險。縱賊入川。賊勢益張。

不可收拾。嗣昌妄聽楊卓然之說。謂獻賊難圖。革左
易撫。輒思舍難就易。檄左良玉趨皖。駕言川中零賊
不足復煩大兵。軍中咸知失計。良玉探識其奸。率兵
竟去。連發十九檄追之。不返。賊復出。無當關者矣。且
賊由西北陸走襄陽。而嗣昌由西南水走夷陵。歧路
相避。猶飾稱鞭長不及。甚至地方失事。匿不上聞。而
又虛設捷級。動云寇不足慮。瀘州知州蘇瓊等死于
賊。嗣昌復砍其頭充級報功。羣賊愈無所憚。當是時
楚撫代罷不常。戊寅十一年六月。逮楚撫余應桂。以

方孔昭代之至十三年正月。逮孔昭命宋一鶴代之。
十二年己卯四月朔戊子。郎陽撫治戴東閔免。以王
鰲永代之。至十三年。罷鰲永。以袁繼成代之。代易紛
紛。迄無成功。祇爲猾賊笑耳。

嗣昌抵任以下。兼十三年事在內。因上文而併及
之耳。閱楚撫一行可知。

誌異

七月二十五日。吾邑飛嶺。徹天所集之地。禾荳立盡。
當事設法捕捉。斗米易斗。蝗小民爭捕之。或焚或瘞。

不啻萬萬計餘種未殄民猶苦飢。

十二月吾錫南門網船婦一胎生三子。初九日生一。初十日生一。十一日又生一。亦異事也。